



寧澹齋全集卷之三目錄

五言律詩

春宮直講

曉酌

張世調年丈冊封襄藩送別二首

賦得冬嶺秀孤松

館課

古道

雨後

東姚汝行鄉居



春遊

江上望金山

春日蚤朝

坐水雲亭

閒居二首

萬壽節

曉寢

山居即事二首

遊龍井二首全馮正子太史

與姚子雲夜坐

館中直宿

拜唐宗伯大座師墓

廬墓偶成

張叔相年丈計偕弔余廬中詩以送之

水竹居

雨中荅觀山叔用來韻

將遊九華宿山寺

上龍池

送周君食年丈之任義烏

喜晤許啓芳孝廉

西山對月

秋夜

潘石乳父母內召送別二首

苦雨懷歸

公館小憩

胡氏園居

秋夜小集

九日山陰道上二首

初入吳門同姚汝行賦

百花洲

山寺對雪

趙當世明府招飲焦山阻雨投甘露寺

送翟爾騰侍御抗疏出京

撤棘

讀袁君奭年丈望海篇二首

賦得青陽嶺送姚汝行之括蒼

楊侍御母夫人六十

送胡寅之司李廣陵

無題

聞警

寧澹齋全集卷之三目錄

終

寧澹齋全集卷之三

句章楊守勤克之甫著

同社姚孟燿汝行甫校

五言律詩

春宮直講

青宮開講幄竿濫喜趨羣節近嵩呼日祥連鶴  
禁雲惜餘知遜志虛受藹溫文宴賜承恩重捫  
心愧博聞

曉酌

宿雨朝初霽看花色倍新游魚爭戲水舞蝶盡  
翻春酒爲移香美情因對客親隔林鶯亂語喚  
起乍醒人

張世調年丈冊封襄藩送別二首

周典分茅重詞臣肅遠將旣違金馬署還訪白  
雲鄉攬轡新冠蓋題橋舊驢驢爲宣君澤溥漢  
水自湯湯

桐封仍畫錦才子意如何草色迎仙旆鶯鶯答  
苧歌離懷燕市遠清夢楚山多魚水方深眷南

陽未許過

賦得冬嶺秀孤松

館課

雪覆羣山暝寒深衆木凋喬松生峻隴千尺竦  
孤標磊砢多經歲青蒼故拂霄亭亭看秀出封  
爵受何朝

古道

古道連長坂肩輿入暮天蒼茫聞驛鼓冷落見  
村烟秉燭寒無焰圍爐濕不然正思江檻外乘  
醉理漁船

兩後

莓氣侵庭濕清香靜裏焚輕雷散殘雨微月吐  
重雲翡翠窺池下松聲隔院聞冥心觀妙理世  
態任云云

東姚汝行鄉居

地僻逢迎少聯吟若箇羣藤蘿成翠蔭蘭竹共  
清芬把酒風生腋看山日到曛南樓窮目處佳  
氣正氤氳

春遊

山遊蘭厨傳飲與覺偏饒初冷苔痕古花深鳥  
語嬌遠峰橫翠黛踈雨濕虹橋醉睨山前月明  
來不待邀

江上望金山

兩渡維揚水金山未及登浮空懸鐵柱控海障  
鍾陵塔影驚翔雁江風駕遠鵬遙知天塹險萬  
古亘峻嶒

春日早朝

條風初應律上苑獨先春咲出林鶯巧嬌來宮

柳勻曉鐘帶殘月仙仗絕飛塵朝罷看衣履猶  
霑湛露新

坐水雲亭

一泓春水綠萬樹曉雲紅逕軟恬幽鳥花嬌弄  
好風輕裾香氣襲虛閣翠烟籠坐久渾忘倦乾  
坤半榻中

閒居二首

長嘯豐林下升沉漫復論風清來竹舍月白映  
柴門捷豈終南徑閒耽栗里尊偶懷閔仲叔猶

覺此心煩

山居同稿木兀坐小亭幽濁酒時堪醉清蔬足  
供羞臥遊乘永晝邀月及新秋不問人間事長  
歌侶白鷗

萬壽節

聖曆齊南極秋深化日舒萬方濡湛澤九野慶  
華胥宣室凝玄貺維城遠帝居微臣無可獻儼  
泰戒衣袂

曉寢

曙光明且爛，欹枕復貪眠。襪被翻殘夢，窗窸逗  
翠烟。踈慵原自性，顛顛况經年。未許便便腹，偷  
安似孝先。

山居即事二首

山中鳴雨過林澹，鳥歸遲淪茗聊踈。酒開枰漫  
覆棋香浮薜荔，遠藥採紫芝奇。此意誰堪語臨  
風遲所期。

僻愛山居寂，翛然離俗勞。泉聲穿石出，鳥語隔  
花聞。嘉木流疎影，虛簷挂夕曛。濁醪頻供酌，幽

賞許誰分

遊龍井二首 全馮正子太史

龍宮倚絕巘，一壑瀉清流。空翠深庭落，飛雲片  
石留。風疏茶霧曉，韻動竹林秋。咫尺仙家近，何  
勞訪十洲。

覽勝情偏劇，招攜况史公。層雲依步履，鐘呂協  
詩筒。近日紅生袖，吟風綠滿叢。龍樓凝竚久，此  
地幾重逢。

與姚子雲夜坐

獨坐芳亭畔無言意自舒  
水流新綠暗風送嫩  
篔徐煑醞幽聞鼎燃檀  
細染裾多君來晤賞月  
色上庭除

館中直宿

金門先射策玉署乍鳴琴  
藜火通銀漢槐庭滿  
綠陰編摩窮往古靖獻  
竭來今祗恐孤恩眷終  
宵獨問心

拜唐宗伯大座師墓

茸城尋舊跡惆悵過師門  
衣鉢心傳重絲綸世  
業存草烟埋隴道梅雨  
暗川原一洒羊曇淚無  
言可報恩

廬墓偶成

幽居與世隔及逕長莓苔  
樹色經風慘泉聲帶  
雨哀天高那可問心稿  
欲成灰縱有莪蒿咏能  
令徹夜臺

張叔相年丈計偕弔余廬中詩以送之

秋深天際渺霜色老蘆英  
憐我棲苦塊榮君上  
錦程高歌驚落雁雅興  
入寒觥踏破長安月遙

知在此行

水竹居

萬竹藏深塢，衡廬枕碧湍。  
韻踈風瑟瑟，影浸露溥溥。  
隱几時聞鳥，牽裾欲紉蘭。  
不堪苛禮責，應以籜爲冠。

雨中答觀山叔用來韵

連歲逢霖潦，蕭條四壁空。  
喜看今乍稔，旋苦浪翻洪。  
遊子言將別，離懷耿不窮。  
出門纔數武，愁絕路難通。

將遊九華宿山寺

名山堪曳屐，落日且移船。  
埜寺緣溪徑，雲林帶石泉。  
鐘聲遥度嶺，月色漸浮川。  
此夜僧房宿，寒燈不待懸。

上龍池

飛流三百丈，石洞秘靈湫。  
峽坼開雷斧，天虛下月鈞。  
化形時試鉢，吐氣或成樓。  
吾欲鞭龍起，爲霖遍九州。

送周君食年丈之任義烏

卷之三  
瞻此烏傷里欣傳驥足來先聲能破鬼下軌若  
鳴雷不負雲霄志初杼舟楫材鷄鳴山上月幾  
度發新醅

喜晤許啓芳孝廉

蘭佩交初洽鷗飛興不禁塵勞欣乍息道氣許  
相尋覽卷頻燒燭規時競矢音莫言良會易今  
古幾同心

西山對月

月色西山寺鐘聲空外聞禪扉開玉几花鳥出  
紅雲幽馥芝蘭侶婆娑鶴鹿羣譚玄方未已侵  
坐露紛紛

秋夜

煩暑未云息新秋忽送清翻風梧一葉待月露  
三更野馬空將盡寒蛩隱欲鳴追涼亦甚適手  
自理茶鐺

潘石乳父母內召送別二首

詔下徵良吏星垣綴瑣垣寵行仙棹捷惜別野  
歌喧鳩鵲當車舞江花照錦鯨知君抱忠讜遠

通望嘉言

憶昔迎華轂家嚴夔鑠年論交多道氣合志在  
遺編窮卷車頻過分庭禮獨偏送君今日意別  
淚轉潺湲

苦雨懷歸

中伏方煩暑連朝凍雨浸竹枝風歷亂蟻陣水  
浮沉莓氣蒸書濕靈雲入席深懷歸情轉切慙  
悴對重陰

公館小憇

行臺依古寺僧舍自成鄰殿迥凝殘雪墻低入  
早春淖泥頻滑馬煦日正宜人去去小崑畔松  
梢挂月新

胡氏園居

花飛春色老藜竹月光來三徑疑蓬島層樓倚  
玉臺林幽麋自適埜曠鶴初回歌枕窓前臥無  
令車馬催

秋夜小集

清宵揚素鳧深坐惜餘輝露濕花光冷風飄篆

裊微朋簪芳沼集詩艸雪箋揮更有踈狂客攀  
槐摘紫薇

九日山陰道上二首

曲曲山陰道清清越水隈榜人歌短曲村肆出  
新醅菊色沿堤秀萸香入席來臨風驚髻落此  
意付深杯

不斷湖邊路連朝艇未開霜醅楓色盡風送蓼  
香來咫尺家鄉遠微茫曉日催逢人間魚雁欲  
寄此情回

初入吳門同姚汝行賦

吳遊秋已暮山色轉霏微萬頃烟波渺千村庾  
稻肥客舟乘月集妓樂傍宵歸不謂懷襄後歌  
聲遍塋飛

百花洲

放棹百花洲涼風蕭瑟秋酒船多載月歌妓巧  
凭樓殘菊香猶遠寒螿韻轉悠蘇臺評往事寂  
寞使人愁

山寺對雪

坐擁小爐畔寒威怯不勝話深門外雪詩和  
間僧蠟炬全銷炤尊醪屢滴冰前村有塵甌舉  
火未還曾

趙當世明府招飲焦山阻雨投甘露寺

雨阻焦山興來尋甘露林鳥栖烟樹暝徑鎖蔓  
蕪深詩興觀潮發鐘聲隔院沉主人方戀客永  
夜好論心

送翟爾騰侍御抗疏出京

一疏批鱗入嚴威夕出城名懸九鼎重身去五

湖輕寵辱皆蒙澤憂危自繫情聖朝方賞諫且

莫厭承明

撒棘

盛世薪樵擴南宮得士多英才齊入穀茅茹共  
鳴珂紫陌聯鑣度虹橋帶月過深恩何以報努  
力效賡歌

讀袁君奭年丈望海篇二首

蛟川同鼓棹觀海意偏豪氣吐虬龍鬪詞驚魍  
魎號谷王能擅大仙史競推高不數玄虛筆憑

誰可續騷

學海原推舊揮毫自爛然披襟凌碧漢仗劍倚  
青天錯落珠淵沸縱橫鍊浪堅極觀殊渺浩何  
必下蛟川

賦得青陽嶺送姚汝行之括蒼

昔日經遊地青陽嶺最高半空迎瞰日百仞聽  
驚濤就手疑攀漢凭虛恍駕鰲憐君重過此肯  
厭筍輿勞

楊侍御母夫人六十

青鳥瑤池下芳筵翠水開舞衣翻鴈錦法善借  
蘭臺象服山河重龍章次第來百年稱慶日長  
進菊花杯

送胡寅之司李廣陵

送君辭闕去秋色迴晴霄鵲翩搏風健駟車擁  
傳騎平反傾列郡才望急中朝羨殺揚州鶴令  
人思欲飄

無題

世態紛何似中宵傀儡場浮雲隨聚散苦海浪

閒忙有夢憑囊枕無心託醉鄉名根殊未了下  
捷理蒙莊

聞警

禁籞春深日仙官擁玉珂羽書紛驛騎宮樂舞  
陽阿無計能排闥何人爲枕戈金甌千載固蒿  
目望銅駝

寧澹齋全集卷之三

終